



Na osnovu člana 15. stav (1), tačka a) Zakona o odbrani BiH („Službeni glasnik BiH“, broj: 88/05), a u skladu sa članom 16., 17. i 18. Pravilnika o školovanju kadeta i vojnih stipendista, broj: 10-02-3-1550-41/18 od 26.04.2019. godine, Odluke o kriterijima i načinu bodovanja i rangiranja kandidata za kadete OS BiH na vojnim akademijama u inostranstvu, broj: 10-33-02-33-1550-54/18 od 23.02.2021. godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane BiH, raspisuje:

J A V N I K O N K U R S

za školovanje kadeta na vojnoj akademiji Univerziteta odbrane Republike Srbije za školsku 2022/2023. godinu

I - PREDMET KONKURSA

Ministarstvo odbrane Bosne i Hercegovine, raspisuje Javni konkurs za školovanje osam kadeta na vojnoj akademiji Univerziteta odbrane Republike Srbije za školsku 2022/2023. godinu i to:

1. Osnovne akademske studije Kopnena vojska - modul pješadija - tri kadeta,
2. Osnovne akademske studije Vojno vazduhoplovstvo – modul pilot helikoptera – jedan kadet,
3. Osnovne akademske studije Vojnoelektronsko inženjerstvo – modul telekomunikacije – jedan kadet,
4. Osnovne akademske studije Vojnomošinsko inženjerstvo – modul naoružanje – jedan kadet,
5. Osnovne akademske studije Vojnosaobraćajno inženjerstvo – modul transport – jedan kadet,
6. Vojnomedicinska akademija – modul medicina – jedan kadet.

II - USLOVI KONKURSA

1. Opšti uslovi su propisani članom 9. Zakona o službi u OS BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18):

- a) da je državljanin Bosne i Hercegovine,
- b) da je zdravstveno sposoban za službu u Oružanim snagama,
- c) da nije osuđivan na безусловnu kaznu zatvora u trajanju dužem od šest mjeseci,
- d) da nije prethodno otpušten iz državne službe ili pravnog lica zbog povrede službene dužnosti u poslednje tri godine,
- e) da se protiv njega ne vodi krivični postupak za krivično djelo za koje se goni po službenoj dužnosti,
- f) da mu pravosnažnom presudom nije zabranjeno obavljanje određenih dužnosti, odnosno dužnosti za vrijeme trajanja takve zabrane,
- g) da ima odgovarajuću stručnu spremu potrebnu za obavljanje određene dužnosti, (uslov koji će biti ispunjen po završetku vojne akademije).

2. Posebni uslovi:

- a) završena srednja škola IV stepen ili da trenutno pohađa IV razred srednje škole,
- b) da je postigao/la ukupan uspjeh tokom školovanja najmanje vrlo dobar,
- c) da ima ukupan prosjek ocjena iz matematike najmanje vrlo dobar,
- d) kandidati/kinje za kadete studijskih programa Vojnoelektronsko inženjerstvo, Vojnomašinsko inženjerstvo i Vojnosaobraćajno inženjerstvo, moraju da ispune uslov da su završili četvorogodišnju srednju školu tehničke struke ili gimnaziju, odnosno da pohađaju četvrti razred srednje škole tehničke struke ili gimnazije (**uslov partnerske strane**),
- e) kandidati/kinje za kadete studijskog programa Vojnomedicinska akademija, moraju da ispune uslov da su završili gimnaziju, srednju školu zdravstvene ili veterinarske struke u trajanju od četiri godine ili da pohađaju četvrti razred gimnazije, srednje škole zdravstvene ili veterinarske struke (**uslov partnerske strane**),
- f) kandidati/kinje koji trenutno pohađaju IV razred srednje škole, po završetku istog moraju odmah, a ne kasnije od 21.06.2022. godine, dostaviti ovjerene kopije svjedočanstva i diplome, preporučeno putem poštanske službe na adresu Ministarstva odbrane Bosne i Hercegovine,
- g) kandidati/kinje koji trenutno pohađaju IV razred srednje škole po završetku istog, moraju u svjedočanstvu IV razreda imati isti ukupan prosjek ocjena kao i u svjedočanstvu sa polugodišta četvrtog razreda koje su predali u dokumentima za prijavu na javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na polugodištu četvrtog razreda,
- h) da nije mlađi/a od 18 i stariji/a od 22 godine (za Vojno vazduoplovstvo ne stariji/a od 21 godinu, a za Vojnomedicinsku akademiju ne stariji/a od 20 godina) na dan 30.09.2022. godine,
- i) poznavanje engleskog jezika (test ALCPT - minimalno 60 bodova),
- j) poznavanje rada na računaru (Word, Excel, Power Point, Internet),
- k) fizička spremnost: kandidati/kinje moraju imati dobru fizičku spremnost, koja će se provjeriti kroz sledeće discipline:
 - I. Trčanje - na 3200 metara,
 - II. Trbušnjaci,
 - III. Sklekovi.

Napomena: Kandidati prijavljeni na Javni konkurs proći će test fizičke spremnosti, psiho test, test opšteg znanja, test iz matematike i test poznavanja engleskog jezika i intervju. Bezbjednosnu provjeru za svakog uspješnog kandidata izvršiće nadležni sektor Ministarstva odbrane Bosne i Hercegovine, a zdravstveni pregled kandidata, koji uspješno prođu testiranje, obaviće nadležna ustanova u organizaciji Ministarstva odbrane Bosne i Hercegovine. Kandidati za kadete studijskog programa Vojno vazduhoplovstvo, moraju da ispune i dopunske uslove propisane posebnim programom medicinsko-zdravstvene i psihološke procjene za taj studijski program, koji će se realizovati na Vojnomedicinskoj akademiji u Beogradu - Vazduhoplovno-medicinski institut, kao i da uspješno savladaju selektivne obuke (padobranska obuka i selektivna letaćka obuka). Rangiranje kandidata vršiće se na osnovu kriterija odobrenih od strane ministra odbrane Bosne i Hercegovine i sa kojima će biti upoznati kandidati, koji budu pozvani na testiranja i provjere.

U slučaju istog broja bodova po provedenom postupku izbora kandidata, prednost ima kandidat pola koji je manje zastupljen u OS BiH.

III – ŠKOLOVANJE, PRAVA I OBAVEZE

1. Školovanje na vojnoj akademiji na studijskom programu Vojno vazduhoplovstvo traje pet godina, na Vojnomedicinskoj akademiji traje šest godina, a na ostalim studijskim programima traje četiri godine.
2. Odabrani kandidat/kinja imaće status kadeta, čija će prava i obaveze biti regulisane u skladu sa Zakonom o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12,41/16 i 38/18), Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20), Pravilnikom o školovanju kadeta i vojnih stipendista („Službeni glasnik BiH“, broj 34/19) i Ugovorom o školovanju,
3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine, potporučnik odgovarajućeg roda-službe,
4. Međusobne obaveze kandidata, izabranog za školovanje na vojnoj akademiji Univerziteta odbrane Republike Srbije i Ministarstva obrane Bosne i Hercegovine, regulišu se Ugovorom o školovanju,
5. Za vrijeme školovanja kadetu je osiguran smještaj i ishrana u internatu vojno obrazovne ustanove na koju se upućuje.

IV – POTREBNI DOKUMENTI

- a) Potpisana prijava i lični (biografski) podaci (isključivo po obrascima ponuđenim na www.mod.gov.ba),
- b) Ovjerene kopije svjedočanstava svih razreda srednje škole,
- c) Ovjerena kopija diplome četverogodišnje srednje škole, odnosno, svjedočanstva sa polugodišta četvrtog razreda ukoliko lice pohađa četvrti razred, s tim da je kandidat/kinja u obavezi naknadno dostaviti ovjerene kopije svjedočanstva i diplome četvrtog razreda, gdje prosjek ocjena ne smije biti manji od prosjeka ocjena sa polugodišta četvrtog razreda,
- d) Ovjerena kopija nostrifikovane diplome i ekvivalencije svjedočanstava razreda završenih u inostranstvu od strane nadležnog organa, original ili ovjerena fotokopija, ukoliko je kandidat/kinja pohađao ili završio školu u inostranstvu,
- e) Original ili ovjerena kopija Uvjerenja o državljanstvu, ne starije od šest mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- f) Original ili ovjerena kopija Izvoda iz matične knjige rođenih, trajnog karaktera,
- g) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne stariji od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni

rok računa od dana izdavanja od strane nadležnog organa, a ne od dana ovjeravanja kopije istog),

- h) Izjava kandidata da u posljednje tri godine nije otpušten sa posla zbog povrede službene dužnosti, ovjerena kod nadležnog opštinskog organa (isključivo po obrascu ponuđenom na www.mod.gov.ba).
- i) Original ili ovjerena kopija dokaza o prebivalištu (CIPS), izdat od strane nadležnog opštinskog organa uprave, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- j) Dokaz o poznavanju rada na računaru:
Kandidati koji tokom školovanja na srednjoj školi nisu imali predmet informatika dostavljaju certifikat ili potvrdu, o kojima se vodi službena evidencija o poznavanju rada na računaru (ove akte izdaju državni organi ili nedržavni subjekti, u skladu sa podacima iz službene evidencije koje imaju karakter javne isprave, ukoliko te poslove obavljaju na osnovu javnog ovlaštenja),
- k) Saglasnost za obradu biografskih podataka/informacija za potrebe procesa konkurisanja na vojnu akademiju (isključivo po obrascu ponuđenom na www.mod.gov.ba).

Napomena: Kandidatima koji ne budu izabrani u procesu izbora omogućava se preuzimanje ličnih dokumenata koji su dostavljeni u procesu prijema u roku od 30 dana od donošenje konačne odluke ministra odbrane BiH o izboru kandidata.

V– IZBOR KANDIDATA

Izbor kandidata izvršiće komisija koju će formirati ministar odbrane Bosne i Hercegovine.

Testiranju kandidata mogu prisustvovati ovlaštena lica države prijema po njihovom zahtjevu.

VI – PRIJAVA NA JAVNI KONKURS

Prijava sa potrebnim traženim dokumentima dostavlja se preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71000 Sarajevo

Sa naznakom „Javni konkurs za školovanje kadeta u Republici Srbiji“.

Konkurs ostaje otvoren 15 dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Neblagovremene prijave kandidata neće se uzeti u razmatranje.

Ukoliko u prijavi i dokumentaciji postoje formalni nedostaci (nepotpuna i neuredna prijava), lice se poziva da u roku od pet dana ispravi navedene formalne nedostatke i dostavi potrebnu dokumentaciju u skladu sa Zakonom o upravnom postupku BiH.

MINISTAR

Dr. Sifet Podžić

Broj:10-33-2-2501-11/21

Sarajevo, 14.03.2022.godine